

錄前朝今次受後諸官等一官師云度弟子  
伏稱名受受竟起再拜亦可九拜畢拜伏師  
呪物諱符曰玉皇九君夫人九神却邪輔正  
鍊偽成真憂病廓散功業日新保某得道長  
為上賓畢卷授與弟子男左手女右手取統  
腰後度三過神懷中又拜九叩搏都畢師起  
上香復爐出出後設醮亦可前後擇玉相之  
辰依按如左

上清河圖內玄經卷上

上清河圖內玄經卷下

香燈謝文四

明三

安九燈七燈然油二燈然香普列北方某燈  
南施一席設九樂棗九片脯安棗上九處鹽  
著樂後九杯酒置樂前某又別施一席向燈  
安香按某長跪九上香仍臨目存見九星神  
在天止畢叩齒九通起某稱三寶弟子臣姓  
名今謹奉請

輔星帝席宮紫炁玉樓帝尊九晨皇君皇夫  
人高皇左夫人

彌星上尊宮玉樓紫館帝真元晨皇君皇夫  
人高皇右夫人

貪狼子生陽明太上宮青城玉樓九晨皇君  
皇夫人逃元內妃

巨門丑亥陰精中元宮五色玉樓北晨皇君  
皇夫人化形內嬪

祿存寅戌真人真元宮黃臺玉樓主仙華晨  
皇君皇夫人上元母

文曲卯酉玄冥紐幽宮朱臺玉樓玄上飛蓋  
晨皇君皇夫人中元內妃

廉貞辰申丹元岡神宮素臺金玉樓金魁七  
晨皇君皇夫人斗中大女

武曲巳未北極紀明宮玄臺玉樓北辰飛華  
皇君皇夫人斗中中女

破軍午生天關關會宮九層玉樓總靈九元  
北蓋皇君皇夫人斗中少女

謹請七靈大神九精帝晨回尊紆鑿毒愆至  
心賜降雲駕動聖光儀與中和君萬福君延

壽君好生君明算君保錄君定命君賞善君  
應願君從神童玉女直符直事真官正神將

軍騎吏一切官屬俱降此某里中露壇禪之  
上察某翹仰之情散某貧微之禮臣某與某

道義相延終始有因情同骨血齊心投地某  
歸命

九皇高尊七聖大靈大道至真諸君丈人臣  
某誠惶誠恐稽首再拜更上酒酌杯令得三

拈三上酒合得九拈成九獻禮畢稱三寶弟  
子臣某上啓

七靈大神九精帝晨明靈高尊道德諸君一  
切正神某今謹有同義某州郡縣鄉里姓名

即日操墨辭謹讀如列其伏願一切神明鑒映辭言并其今設微禮謹操本命繒絲如干尺其詣所屬第如干皇君夫人隨人命所屬次第玉机前乞拔贖其應絕之命請更造之恩伏願其皇君夫人咸共哀其丹心饗其今設此微禮共垂證盟仰希眾靈勸所屬其皇君夫人特賜以慈恩降以應感使其永免厄疾無復死病之憂得脫於非橫之禍眾灾消弭所向諧心觸願如志丹誠懔疑因臣以聞臣以愚庸諫參真教志揚玄風救護一切先人後已不敢有懈今不勝虔心懇款謹為冒昧上陳但人生運動實自多德良由愚闇任用乖真致使迷塗失正伏尋理在有境不得無心心之所務唯當去闇就明明須瑩發由乎聖神玄獎既應聖許祀謝神許開於聞於由於誠款祀謝關於洗心盡則應皆悔無量之罪誠款則宜敬獻祭饌之儀儀整則神祐必至罪釋則善願必諧仰綠斯理敢布丹心夫郊天祀地望祭山川前聖垂之於外謨後唐尊之以成德至於請五老而祈太一

招八靈而致六神玄真既著之於內科明詰繼之以弘道品位有序妙在無邪是以奉修稱意隨時進獻費不厭豐賤不拘儉故碧帛麟鳳玉醴瓊漿乃高通者之所辨非卑窘者之所參若乃鴻鸞之羞上帝慈潔之薦尊神威嚴非微臣之所宜行愚款之所表至其今刷貧依法供辦酒脯鹽豉等味然燈照曜以東發皇靈燒香騰啓以仰期感應是以濯洗身神投命玄極竭其歸仰之丹心不願輕微之菲陋伏願明靈大聖至真尊神持賜愍佑副其親勤巨恐謹重功微方罹殃考性命難保子孫難得所向乖心今仰憑玄真善成無弃謹自整潔洗濯身心為其肯捨衆累其從無始世界以來經劫無數或為男女人至于今生轉輪未息或當運性離蔽立志猖狂不信大道不敬神明為子不孝為父不慈為君不道為臣不忠為兄不友為弟不和為長不慎為幼不恭為師主不敬為弟子不謹為朋儕不義為賓友不誠為姑不篤為婦不虔為母不愛為媵不敦為舅氏不務為伯叔不仁為

娣姒不順為妾媵不謙為夫妻不睦為嫡庶不平為內不靜為外不明為上不軌為下不清為賤不遜為貴不廉為男不潔為女不貞不達義方不子妙趣茫昧玄宗留連世務塵路思者俗海忘超五情六慾觸蕩精神三毒七積挽亂心志業行不專取捨非一進退無恒異端盈臆道風既虧世範又缺身與年衰譽隨日結動不顧利靜不修戒深福大善水不議作巨禍洪惡日夜競為或有急之日暫存道小寬之辰輒忘真返逆無狀縱橫肆心或憑威乘勢恃寵強梁或毀道敗德殺害君親破壞經圖攻伐師尊誅傷同氣殺戮友朋酷虐萬類輕調百靈或發泄冢墓開他棺挪刑尸罰鬼驚骸動神欺滅儕黨痛感天人或斬斫神主焚燒社廟陰懷謀逆陽論順命嫉妬勝已謔謗忠貞縱逞楚毒抑絕賢明捐交弄好苦克邦鄉諧善長惡訕諂才良慳貧益己不願施人割奪四輩唯潤一身食啖百姓受取萬端得無厭足侵略人神或藉貴怙富凌賤孤貧或略人所愛離隔六親分絕骨肉

斷遺四鄰或蒸通九屬淫犯萬殊恣溢失度  
 誦忌無拘強相呪妄加善人叫喚罵辱牽  
 引鬼神指斥日月告訢星辰或勸人作惡不  
 教童蒙間任縱橫觀人成敗或好色耽酒醜  
 飾自說宵心顛倒粗惡陰暴歌哭無常舉止  
 不覺培擊東西翻覆南北或手肆虎逆或伏  
 他行虐或妄觸人神叨忤清淨傲突明靈評  
 論經教誹誚正法違負信約欺誘矯詐妖媚  
 誑佞或真恚怨恨殘剋自高噴囑并執會焚  
 日結或戲謔勝負罔蔑厄徵誑惑朝野朝調  
 閨帷或外偽剛直內懷曲刃于知是非以退  
 為進強占星宿卜相自銜妄期禍福表裏無  
 信面譽背毀巧言令色誤脫家邦破亂宗國  
 或不敬明德不納忠言陰嫉高勝潛害英能  
 或假託神鬼詐稱天靈竊于妄言妖惑百姓  
 扇動天地駭怛神明或斷截人路逼逐母子  
 閉塞人善良抑絕人休美或積藥思人病畜  
 棺願老死皆人學方自譽已業虛造生空妄  
 作一法不違權化謬懷疑貳或因公行私迷  
 誤後世好樂是腥忌要芳淨或馳騁田獵呵

罵風雨森盜劫賊刺射天地陰罪陰過陽罪  
 陽過死罪死過幽顯過知反理違經犯律破  
 戒上負三光四時五行下忤萬象九宮六甲  
 中觸里域神祇冢宅精靈先亡魂爽并竈門  
 庭出入戶路履歷莊衝經涉失祀所在違和  
 處處犯禁種種成德或知而故為或謬誤不  
 覺或被迫從人或身心自構或忍而無悔或  
 悔而未謝或謝而又犯未能長革或久謫蒙  
 深未能永悛或日積月深無限無量不可具  
 陳或中表相率內外相染男女大小一切眷  
 屬後世今生俱有罪過更相延誣或同謀共  
 作或尊上使為或懸相要擬傍生罪根因緣  
 在彼自不覺知或操票不堅被試不過神鬼  
 違怒師徒連禍先仇宿對方未解釋從晚結  
 訟稍復滋繁或嘗為奴婢役使胡夷蠻貊戎狄  
 凶兇兇鳥蟲獸魔邪精魅窮禽極醜更相食  
 噉離報未終所陳條目略而未盡迴環歷劫  
 不可憶知犯與不犯不自分別各在兩宮七  
 十四部事簡三元百二十曹結登既深考在  
 不測將慮一旦奄同塵壤小事云履世規圖

懼不如此其今投命九皇大聖尊神仰憑至  
 德特乞降祐賜毒慈恩今五嶽使者即頂下  
 所由隨源料理罪文咎結一切解除以宥基  
 誦斷絕惡根積累德惡蒙洗滌輔導信心  
 開通善路正氣流滋貴神保護某已往之業  
 都洗即今之德悉除當來之尤不生從善之  
 志日進上學之願無退修經習戒以今為始  
 三界五帝六甲九宮玄洲靈洞主土真官无  
 量仙聖一切善神賜納臣言同記今請於某  
 首洗之丹心慙某自新之懺志採臣勸善之  
 誓言副臣歸仰之丹誠令都天監司過君延  
 生之局增福之司成共削某黑簿注名青文  
 令眾灾度脫壽命延長長保福慶合門與隆  
 凶妖消散善願咸從夢想真正冢宅安寧止  
 殃滅注內外同休以顯玄神明信之驗以酬  
 其元元之心隨志續言每在若約其又一上  
 酒畢各三過止且其重啓  
 九皇尊神七聖明靈一切正神臣以魯陋生  
 長流俗不閑妙法恐所施失儀言辭褻褻編  
 忤威靈進止違典舉事懣深懼不能相濟還

嬰谷責特願明靈曲垂照愍哀矜不及遂成  
善心不加譴罰宿蒙蒙原臣所願皆得諸心  
欲有願樂隨意言之恭荷恩之日並依科重  
獻誠禮一如今夕恭伏願明靈大神一切真  
官同垂慈恩共賜開導與善相因神靈獎悅  
所啓所願即蒙御聞今夜所請必遂如心則  
仰荷明神更造之恩今乞洪澤決瀾恭身請  
以餘杯賜其飲進令神悉降洽善願克諧取  
此人命所屬酒一杯共飲之且上啓

九皇大神明靈高尊道德諸君一切善神向  
有某甲為其事云臣與道義因緣冒昧干請  
仰屈威靈臨鑒已久不敢稽淹神駕願各還  
本宮安神復御垂神流思以景福祚延長約  
勅所在土地真官宅舍善吏堂宇僚局明各  
榮衛某身及臣使積罪永除福名更始今所  
請如啓所願必遂不孤至向須後有請仰希  
重降臣甚誠惶誠恐稽首再拜送神伏次拜  
送拜送神亦可都再拜而已仍伏叩頭乞昇  
車之恩必副元元之情欲有所言隨人意容  
道畢起復爐若度事後即醮未可復爐仍設

醮醮竟復爐也醮畢取第一杯酒少許灌地不  
必令盡若欲以治病病人所屬星杯可取與  
飲之無病危者悉出外賦作禮敬進之勿及  
異人疑怖彼此得罪其所識悉為信無嫌者  
皆得分之若度事之後別時設醮或自為為  
人乞願請恩並存神竟扣齒發爐若入壇堂  
漱呪如法凡學士功輕未能得道傳授靈文  
更相開度建德立功良時吉日祈請玄恩同  
先謝過生由九炁成由九天學由九業品極  
九階仙真及聖各有經法習之未周不能免

咎有所云為皆悔罪為端然後思祐不求自  
至求福以著入微故先陽明至輔弼除罪以  
微至著故先輔弼以至陽明謝文貴賦前辭  
消息受事請恩依源廷詔唯首謝正同迎送  
不異危急修之可略謝耳

觀星要法

凡受九皇諱後良夜請天恒諦觀北斗存識  
次第內外姓名思見神降與已語言次覓輔  
弼今得見形精心注仰久自觀之  
觀星唯密勿令他知或有問者餘言答之不

得泄露通其所視見與不見皆莫出言心之  
與眼相知而已觀星之時洗淨身悉垢則沐  
浴穢則易水衣服芬馨內外淨潔燒香所止  
存啓玄靈執着經圖分明憶識然後出視勿  
忽違高言又勿多人同志可三耳同志才非

亦勿與共各處為之勿相訪問有事勞倦醉  
飽交接調和未平皆勿仰觀又醮祭謝過禮  
拜乞恩積久無徵由於不觀觀雖未見誠至  
心感稍稍懇之永不解退必獲了然見則神  
降醮禮即驗燕濟無窮不能精心習學仰觀  
魔來壞人凶恠相動醮禮空費勞而罪臻有  
志之人明相警戒九星所攝各有分野占候  
吉凶往來出入住止求須管理道俗皆當精  
察以定所宜可去就迴敗為成尋賢得賢  
訪聖得聖所作利貞長保元吉矣

事九皇王君晝夜行卧坐息飲食交接云為  
恒思見之俯仰屈伸念念不忘九年神降受  
長生之訣也  
天中心號北辰有五星第一大星名天樞為  
母第二天子第三太子第四次子第五名北

極天一所生太一所居止在紫宮紫宮東八星西七星列為藩臣中央紫微宮太一常舍為五官二十八宿金木水火土屬五星五星五屬北斗屬太一太一為極位居最尊北斗九星宿衛太一占其吉凶善惡訣如左北極

空洞五天之中北極在此空之南此空之在北極之北故曰北辰東星共之

第一為魁頭名天樞天一名正星字倉狼位御史中丞為天為日主陽德天子象以壁室奎婁為徐州主五子歲星

第二地璇一名法星字巨門位大司馬為地為月主陰刑女主象以胃昂畢觜為梁州後分為益州主五亥太皇星

第三人璣一名命星字祿存位少府為人道主禍以參井鬼柳為冀州主五戌熒惑星

第四物權一名伐星字文曲位司徒光祿為四時主伐無道以七星張翼軫為荊州主五卯辰星

第五玉衡一名殺星字廉貞位大鴻臚為殺有罪以角亢氐房為兗州主五辰鎮星

第六閭陽一名危星字武曲位廷尉為食穀以心尾箕為揚州主五色歲星

第七瑤光一名部星字破軍位執金吾為兵以斗牛女虛危為豫州主五午白星

第八為外輔在北斗第六星下相去一寸許第九為內輔一星在北斗第三星上不可得見見之長成神聖也


占八星審同里其位有灾其境有害皆宜避之小則厭穰修功德立禮樂來恩宥而勿言禍消福集矣功德者萬善也萬行萬名大要唯九


一者不殺二者不淫三者不妄四者不盜五者不邪六者不惠七者不嫉八者不慢九者不滯此為九德得道者也


一者放生救死二者賞貞勸廉三者獻忠効信四者布施除貪五者節酒守正六者和釋諫諍七者禁菸止妬八者敬愛尊卑九者通憂解患此為九功公無私也功行乎外德定乎內內立外修神必密降于高才勤行閉口自驗心傳同志非人勿泄觀見異同心疏


億之此方前後驗否可知無功行者見之不


明或為邪精化亂其眼見似而非言凶反吉吉更成凶與書乖越宜省過內首然後復觀也


一太上宮中帝君變隱逃元內妃姓廷明諱太一法坦字幸正扶真名  衣黃錦帔

丹青飛裙類雲髻後八髻同  
二中元宮中帝君保胎化形內嬪姓開闢諱太一三束光字羅朱與真名  衣青錦帔綠羽飛裙

三真元宮中帝君六通七隱上元聖母姓深濛諱太一靈爽字冲雙兆真名  衣青錦帔縹羽華裙

四紐幽宮中帝君匡景藏光中元內妃姓開闢諱太一七烈字橫單盤真名  衣紫錦帔黃華羽裙

五網神宮中帝君變體易景斗中大女姓玄路諱太一舊書字晴丘蘭真名  衣朱錦帔紫青飛裙

六紀明宮中帝君隱迹散景斗中中女姓裴廉諱太一系精字抱定陵真名  衣朱

錦帔青繡飛裙

七關會官中帝君分景萬形斗中少女姓翁重諱太一郁默字天凡嫩真名

錦帔青華羽裙

八帝席官中帝君化日月水火斗中高皇左

夫人姓常明諱太一石啓珠字絡茂華真名

衣紫錦帔繡羽飛丹裙

九上尊官中帝君化金山石山河斗中高皇右

夫人姓空黃諱太一愛修字雲育玄真

名

右九帝君九星斗中官隱妃九陰名字若祝

說之時但說位號名字耳勿道著衣帔及頭

結下也子能知帝君九陰者升晨上天位為

上清真人兆在世終身不受哭已矣殃太陰

之神衛從萬靈之精拜請分形散變混合天

地此太陰九妃者乃帝君之陰官神也先行

道解結奉符上籍安魂制魄化生體神道燕

延精以求長生而不知帝妃之名字行九陰

以混合者亦萬不得仙也兩眉間却入一寸

為明堂明堂正方一寸帝君太陰九妃常居

其中恒以月之偶日齋用生炁時燒香入別

室坐卧任意瞑目良久存帝君安坐在太極

紫房中又存太一五神在六合中又存北斗

九星在心中又存太陰九妃在明堂中又存

太微童子于景精對立帝君前童子左手把

五符右手把五籍又存先之形立童子後又

存太陰九妃從明堂中上入太極紫房中以

次橫列立先後又存太一五神從六合中上

入太極紫房中以次橫列立太陰九妃後都

畢於是帝君衆神降歛一合大變共為一人

一人如嬰兒始生之狀名曰無常童子字變

化左手把九星頭戴日口銜月童子以日月

九星之光映燦兆一身內外洞徹自覺兆一

身通赤如火之矣无復表裏表裏皆烟烟然

也此為帝君太一九陰混合變化萬形也良

久畢叩齒二十四通咽液九過乃微祝曰

洞天神光 回曜紫清 玄陰九晨

隱淪絕冥 斗中夫人 三女散形

神妃內化 萬物立成 電光雷激

雲霧流鈴 九變十化 生丹起音

太一九女 合化混傳 无常縱遁

淪虛館冥 錦帔華袂 紫羽飛裙

左佩隱符 右帶虎文 銜火戴斗

手把絕幡 傍麾八風 四掣景雲

道遙天網 化蕩七元 蔽伏山河

巔回五辰 日月塞暉 列宿失真

分形作百 化軀入千 在火為火

入林為林 居水為水 入山為山

所求忽至 所召已前 條款適心

矚目立臻 千種萬物 隨心所言

帝君在形 太上玉晨 无英同景

四文白元 永生天地 保養我身

口有所道 隨意化逸 玉童奉侍

玉華執巾 神妃獻香 四真同軒

事事物物 皆如我言

上清河圖內玄經